

առողջությունը մարդու իրավունք է



առողջությունն իրավունք է, եւ ոչ՝ արտոնություն

առողջության մասին խոսելիս՝ մենք հանդիպում ենք տարբեր մեկնաբանությունների, որոնք հիմնականում նկարագրում են առողջությունը հիվանդության բացակայությամբ ու չեն դիտարկում առողջությունը՝ որպես մարդու իրավունք:

առողջությունը մարդու իրավունք է եւ սա չի նշանակում, որ բոլոր մարդիկ միշտ առողջ պիտի լինեն: սա նշանակում է հարցնել՝ **արդյո՞ք բոլոր մարդիկ ունեն հավասար պայմաններ առողջ ապրելու համար**, այդ թվում՝

☐ ապրել առողջ միջավայրում

օրինակ՝ երբ ապրում ենք շրջակա աղտոտվածությունից հեռու՝ մաքուր օդով ու կանաչ տարածքներով լի համայնքում, որտեղ երեխաները կարող են անվտանգ խաղալ բակում, իսկ հարեւանությամբ գործարան չի աշխատում՝ թունավոր նյութերով:

☐ աշխատել առողջ միջավայրում

օրինակ՝ երբ աշխատում ենք այնպիսի պայմաններում, որտեղ մեր բարօրությունն աջակցվում է. կա պատշաճ օդափոխություն ու ջեռուցում, չկա ճնշում կամ խտրականություն, գործատուն հարգում է մեր հանգստի, առողջության եւ արժանապատվության իրավունքը:

☐ ստանալ ժամանակին հասնող, որակյալ, հասանելի ու մատչելի առողջապահական ծառայություններ

օրինակ՝ երբ շտապ օգնությունը ժամանում է ժամանակին, երբ պոլիկլինիկայում ստացած ծառայությունից հետո կարիք չկա նույն զննությունը կրկնել մասնավոր կլինիկայում, կամ երբ բուժօգնություն ստանալու համար ստիպված չենք լինում գյուղից քաղաք մեկնել:

☐ ունենալ մաքուր խմելու ջուր ու առողջ սնունդ

օրինակ՝ երբ ստիպված չենք օրական մի քանի կիլոմետր քայլել ջուր բերելու համար, կամ գիշերը ջուր չունենալու պատճառով սահմանափակել օգտագործումը: երբ ջուրը մաքուր է, առանց քլորի ուժեղ հոտի կամ տարբերվող գույնի: երբ սնունդը՝ հատկապես հանրային հաստատություններում (օրինակ՝ դպրոց, մանկապարտեզ, այլ) սննդարար ու բազմազան է:

☐ ունենալ ապահով եւ արժանապատիվ ապրելու պայմաններ

օրինակ՝ երբ տունը լուսավոր է, կան կենցաղային անհրաժեշտ պայմաններ, տարածք՝ անձնական կյանքի ու հիգիենայի համար, տունը ջեռուցվում է, մաքուր է:

☐ ստանալ հոգեկան առողջության աջակցություն ու համայնքահենք ծառայություններ

օրինակ՝ երբ կարող ենք դիմել հոգեկան առողջության աջակցող ծառայության մեր համայնքում՝ առանց խարանի, վախերի կամ խտրականության, եւ ստանալ անհատական աջակցություն՝ առանց հոգեբուժական հիվանդանոցում մեկուսացման վտանգի:

☐ պաշտպանված լինել խտրականությունից

օրինակ՝ երբ բժիշկը, չունենալով նախնական գիտելիք, չի վախենում մեր ՄԻԱՎ-ով ապրելու հանգամանքից: Երբ մեզ չեն մերժում տրամադրել աջակցություն՝ մեր արտաքինի, մեր տան վատ պայմանների կամ հագուստի հիման վրա: Երբ գինեկոլոգին պատմում ենք մեր կյանքի պատմությունը՝ առանց մեր գենդերային ինքնության նկատմամբ բացասական արձագանքի:

☐ ունենալ կրթության, խնամքի ու ինքնադրսեւորման հնարավորություններ

օրինակ՝ երբ չենք զրկվում ֆիզկուլտուրայի կամ սպորտային խմբակի մասնակցելու հնարավորությունից միայն այն պատճառով, որ աղջիկ ենք: Երբ յուրաքանչյուրս կարող ենք ազատ արտահայտվել, սովորել, զարգանալ եւ երազել՝ առանց խոչընդոտող կարծրատիպերի:

Ի՞նչ կարող ենք անել՝ առողջության իրավունքը կենսագործելու համար

☐ ուսումնասիրենք մեր համայնքը

- ղվ է օգտվում ծառայություններից
- ղվ է դուրս մնում
- Ի՞նչ ձայներ չեն լսվում

☐ կիսվենք մեր պատմություններով

- պատմենք մեր փորձառությունների մասին
- խոսենք խախտումների մասին ու փորձենք ձեւավորել հանրային պահանջ

☐ պահանջենք՝

- մարդակենտրոն, համայնքահենք ծառայություններ
- ոչ խտրական, գենդերազգայուն մոտեցումներ
- համալիր սոցիալ-առողջապահական ծառայություններ:

մի պահ մտածենք...

- կարող ենք լինել առողջ, երբ ապրում ենք խոնավ, առանց ջեռուցման տանը,
- կարող ենք հանգստանալ, երբ մեր համայնքում չկա նույնիսկ փոքրիկ այգի,
- կարող ենք ինքնախնամքի մասին մտածել ու իրագործել մի վայրում, որտեղ ամեն օր առկա է խտրականություն ու վախ
- ...

ապրել մաքուր միջավայրում, ազատ որոշումներ կայացնել մեր մարմնի մասին, ունենալ մաքուր ջուր ու սնունդ, հասանելիություն ծառայություններին, հոգալ մեր մարմնի ու մտքի մասին... սա պետք է լինի ոչ թե երազանք կամ արտոնություն, այլ իրականություն ամեն մեկիս համար, որովհետեւ առողջ լինելը նշանակում է՝ կարողանալ երազել, ստեղծել, սիրել ու ապրել

«Առողջության իրավունք. բովանդակություն բոլորի համար» ծրագիրն իրականացվում է «Մարդը կարիքի մեջ» ՀԿ-ի՝ ԵՄ ֆինանսավորմամբ ընթացող «Դիմակայուն քաղաքացիական հասարակություն Արեւելյան գործընկերության տարածաշրջանում» ծրագրի շրջանակում: Ծրագրի ենթադրամաշնորհները համաֆինանսավորվում են Չեխիայի Հանրապետության արտաքին գործերի նախարարության կողմից:



Բովանդակության համար պատասխանատվություն է կրում Փոփոխություն թիմը, եւ պարտադիր չէ, որ այն արտահայտի ֆինանսավորող կողմերի տեսակետները:

